

SOS-DEIAK ZERBITZUA EUROPAKO LARRIALDI SAREAN SARTUKO DA GAURTİK AURRERA

Larrialdietarako telefono bakarra Euskal Herri osoan: 112

Larrialdietarako, 112 telefono zenbaki berria jarriko du gaur martxan Eusko Jaurlaritzako Herrizaingo Sailak, orain arteko 088 zenbakiaren orde. Modu horretan, Euskal Herri osoan larrialdietarako zenbaki bakarra izango da gaurtik aurrera.

Gorane Agirre / Bilbo

JUAN MARI ATUTXA Eusko Jaurlaritzako Herrizaingo sailburuak atzo larrialdietarako zenbaki berriaren aurkezpenan adierazi zuenez, «telefono zenbaki berriak ez du aldatuko hama-bost urte martxan daraman SOS-Deiak koordinazio zentroetan oinarritutako larrialdietarako egitura. Ostera, gure larrialdietarako sarea Europako sistema orokorrean sartzea ekarriko du, 112 zenbakia Europako Batasuneko edozein lekutatik erabil baitaiteke».

112 telefono zenbaki berria gaur martxan jarriko badute ere, orain arteko 088 zenbakiak ere indarrean segituko du, herritarren deiak jasotzeki utzi arte bain zuzen.

EAEn 112 doako telefono zenbakiak 50 linea baino gehiago izango ditu eta 80 telefono-operadore baino gehiagok eskainiko dute laguntza, mota guztietarako larrialdietan beharrezkoak diren baliabide guztiak koordinatuz: anbulantziak, suhiltzaileak, Ertzaintza, salbamendu taldeak... Zenbaki berriaren planteamendua orain arteko 088ak zuen berbera dela azpimarkatu zuen Atutxak; alegia, herritarrei larrialdietako zerbitzu integrala eskaintzea, telefono bakar eta doanekoaren bitartez.

Telefono zenbaki berriarekin SOS-Deiak zerbitzuaren hiru zentroek urtean milioi bat deialdiko gehiago jasotzea espero du Atutxa buru duen Herrizaingo Sailak. Iaz, esate baterako, 088 zenbakiak 964.613 deialdi jaso zituen; Bizkaian 505.329 dei, Gipuzkoan 323.558 eta Araban 135.726.

Azken urteetan SOS Deiak zentroen gaitasuna sendotzeko egin duten esfortzua nabarmendu zuen Juan Mari Atutxak; beste, zentroen banaketa modernizatu eta arrazionalizatu eta teknologia informatiko sartuz. Sailburuak nabarmendu zuenez, «merezi izan du» laurteetan publikoetatik azken laurteetan guztira 500 milioi pezetako bakoitza 20 milioi libera inguru edo).

Larrialdietarako zenbaki berriaren funtzionamendua oso erraza dela adierazi zuen Herrizaingo sailburuak. Edozeinek telefono zenbaki hori erabiltzen duenean, deia SOS Deiak-eko hiru koordinazio zentroetako batean jasotzen da. Ondoren, zentro bakoitzeko operadoreak jardura protokolo bat jartzen



Juan Mari Atutxa Herrizaingo sailburua, atzo, 112 zenbakia aurkezten.

XOUSE SIMAL

du martxan. Protokolo horretan arazoa konpondu arte eman behar diren pausoak eta mugitu behar diren baliabideak zehazten dira.

Era berean, parte hartzen duen baliabide bakoitzak egiten duena kronologikoki biltzen da erregistro informatiko batean. Horrela, sistema horri esker prozedurak aztertu eta emaitzak neurtu ditzakete.

Gaurdanik martxan izango den 112 telefono zenbakiko operadoreak gaztelaniaz, euskaraz, ingelesez eta frantsesez erantzuteko gai izango dira. Gerora, Herrizaingo Sailak zerbitzuaren eskaintza zabaldu nahi du alemana ere sartuz.

088 zenbakia gaurtik aurrera 112ra aldatuko dela jakinarazteko, Herrizaingo Sailak 75 milioi pezetako publizitate kanpaina egin du (3 milioi libera inguru). Kanpaina hori uztailaren 6an hasi zen prentsan, «jakinmina piztea» helburu zuten iragarki batzuen bidez. Gaurtik aurrera, egunkarietan, telebistan eta irrati-tan 112 zenbaki berria ezagutarazteko kanpainaren bigarren fase bati ekingo diote, iragarki zehatzago batekin.

Juan Mari Atutxa Herrizaingo sailburuaren hitzetan, «larrialdietarako telefono bakarra erabiltzeko ohitura ez da orain berriz sartu beharrekia, jendeak bere egin baitu. Dena dela, hiritarrek zenbaki berriak ikasi beharko dituzte eta ekinaren ekinez lortuko dugu».

135.000 larrialdi kasu iaz

SOS Deiak-eko zentroek milioi bat dei jaso eta 135.000 larrialdi kasu baino gehiago koordinatu zituzten iaz. Horietatik, % 58 osasun larrialdiak izan ziren, % 18 trafikoarekin lotutako auziak, % 10 bestelako istripuak eta % 7 suteak edo bestelako salbamenduak.

Babes zibileko gertakari ohikoenei dagokienez, bestalde, iaz honako hauek izan ziren nagusi: suteak nekazaritza zein hiri-guneetan, pertsonen bilaketa edo salbamendu lanak mendian edo ur-guneetan, eta material arriskutsuak garraiatzen zituzten ibilgailuen istripuak.

Aldi berean, SOS Deiak zen-

troetatik laguntza logistikoa eman zioten organoen transplante programari, 175 transplante baino gehiago koordinatu. Horretaz gain, premiazko osasun garraio sarea osatzen duten anbulantzien koordinazioaz ere arduratu ziren.

Azkenik, koordinazio zentroek TEPA sareko deiak ere koordinatu zituzten. Sare horren helburua bakarrik bizi diren adineko pertsonen segurtasuna bermatzea da. Iaz TEPAko 2.000 deia inguru jaso zituen SOS Deiak-ek, eta haietatik 700 baino gehiagotan baliabideak mobilizatu behar izan zituzten. X

Bost gela berri zabaldu dituzte Zorroagako beilatokian

Hazten ari den eskariari aurre egitea dute helburu lan berriek

Erredakzioa / Donostia

ATZO zabaldu ziren, Donostian, Zorroagako tanatorioko bost gela berriak. Inaugurazio ekitaldian izan zen Iñaki Barriola, Gizarte Ekintza eta Osasun arduraduna. Eraiki diren bost gela horietatik hiru berehala hasiko dira martxan. Beste biak etorkizunean sotzen diren beharrei aurre egiteko gordeko dira.

Iñaki Barriolak atzo adierazitakoaren arabera, Zorroagako beilatokikoaren erabilpena lehenengo hiru gelak zabaldu zirenean baino bost aldiz handiagoa da egun. 1993an zabaldu zituzten Zorroagako ateak, eta ordutik hona askoz jende gehiagok erabiltzen ditu Zorroagak eskaintzen duen zerbitzuak. Hiru gela txiki geratu dira, eta beste bost egitea erabaki zuten duela urtebete.

Hamar hilabete iraun dute lanek, eta 95 milioi pezetako aurrekontua izan dute.

Gela berri bakoitzak bi leku ditu. Zati batean egongela dago, hildakoaren familia eta lagunak egoteko, eta beste zatian gorpua ezartzeko zerbitzua dago. Horrez gain, zerbitzuak gehitu dira.

Iñaki Barriolak esan zuenez, Donostian urtean hiltzen diren pertsonen % 35ek erabiltzen dute gaur egun beilatoki hori, eta gero eta zabalduagoa dago herritarren artean zerbitzu hori erabiltzeko aukera.

30.600 pezeta balio du zerbitzuak. Egondia arau judizialek zehazten dute. Hau da, hilerrien ordutegien arabera, izaten da, eta ordu gutxi batzuetakoa edo gehienez 48 ordukoa izaten da normalean.

Bestalde, aseguru etxeak polizetan beilatoki zerbitzuak eskaintzen hasi dira, eta ondorioz, jende gehiagok erabiliko du Zorroagako, Donostiako EAKo zinegotziak esan zuenez. X

Irakaslegaiantzako Glotodidaktika Ikastaroa

- ✓ Irailaren 4-25
- ✓ Matrikula epea: uztailaren 28ra arte
- ✓ Kopuru mugatua

INFORMAZIOA:



Zaldian euskaltegia
Badaia kalea, 25
Tel.: 945 24 49 05



ERRENTERIAKO UDALA

ADMINISTRARI-ITZULTZAILEA

4. hizkuntza eskakizunaren jabe ez diren onartutako izangai guztiei dei egiten zaie datorren uztailaren 27an, goizeko 9etan, Errenteriako Madalen kaleko 32 zenbakian dagoen Xenpelar Etxean egingo den oposizioaldiko lehen ariketara etortzeko.

Izangai guztiei jakinarazten zaie oposizioaldiko bigarren ariketa irailaren 14an egingo dela, Udaletxeko iragarki tablolean irailaren lehen astean argitaratuko diren lekua eta orduan.

Onartu eta baztertuen zerrenda ikusgai dago Udaletxeko iragarki-tablolean.

Errenteria, 1998ko uztailak 9.

Stua. Adrián López Villegas.

Giza Baliabide Azpisaileko Ordezkarria.